

峴嶠山房詩集

峴嶠山房詩集初編卷四

洪洞 董文渙 研樵

壬戌

元日口占次前歲韻兼懷魯川

斗轉龍城曉星迴鳳闕春普天同紉纓遠道尙風塵劍佩
千官擁謳歌萬象新應知退朝路更覩漢儀陳

東華退朝
路天仗幾

時陳魯川原句也

秋溪菱唱圖爲沈似竹舍人同年題

門前咫尺清溪路鏡裏花香鏡中語宛轉扣舷歌采菱秋
心默默知誰訴日成魂與託微波解佩臨流君奈何祇惜

牽絲傷綠刺還妨揚袖翳紅羅

顧齋四十生日詩

廿載間塾初相知君爲壯夫我童孺及其游宦來京師我方壯夫君已髭憂患哀樂交磨治少年豪氣忽靡遺迂拙潦倒從人嗤一官四十猶曹司青鞋布襪衣塵緇兩手只解冰雪持侏儒自飽臣自飢畏有賚米勞善辭方今聖人舉臯伊羣賢于于鴻漸達況君磊落才世希行當載筆爲國儀功成歸臥林壑涯著述會見名山垂我少於君楞散姿一愚亦可備集思風雅漸歇斯文衰一編振懦今其時千秋大筆非君誰力不能至向往之陽回黍谷逢春熙

攬揆初度歌介眉齟齬齒豁生待覲百年未半行豈遲萬
事除破惟酒卮更進君酌索君詩

海天泛槎圖爲朝鮮金小棠

黃準
鴻臚題

雲濤突兀排天浮萬里咫尺滄溟收是何異境昏雙眸知
有孤槎淩斗牛中擊楫者誰與儔七十九人來馬州乙卯
之歲八月秋揚帆鼓棹當東流橫風一蹕不可留海若怒
舞天吳愁越七十日浮一漚瀕危失喜孚陽侯俄頃已到
三山瞰舟子額祝聲啁啾忠信利涉良有由展圖如渡幘
溝瀆王事敢迫敢逸休願君什襲隨歸舟恐有奇氣驚蛟

蚪

王荅洲

憲成

給諫惠太原段帖賦謝

公佗書法今代冠百九十年峙掀扞零落百一世見希真
不及全僞其半段氏鋟本太原藏淋漓翰墨元精貫十年
并州曾作客異本久聞思日睥常悔善價取未能況復宦
游出里閭先生吸古富鄴侯詞鋒卓犖筆勁悍烏臺風骨
森嶽嵒日書新儀侍玉案當留此物供臨摹總有弋繳焉
敢纂知余舊好與君同持贈不肯私珍玩草堂白日足光
怪障籠摩挲手頻盟自嗟畫鏤靡冰脂嘉貺但覺發顛汗
入塾受書二十載點汙窗壁多不算操管縱欲摹先民臨
池未免愧弱挈願君更授八法訣下學安弦試操縵

先月亭爲朝鮮李菊人容肅鴻臚題

地夔無隱物月來不肯後四時皆有明靜與孤亭久窺檻
玉瑩神舉杯冰入手如坐碧海嶠同光萬景畫付之無盡
藏目遇隨多取

次顧齋韻送李鍾山源命判樞東歸

祖帳傾燕市星軺指海東離杯憑勸淚別柳任驚風夢繞
博桑城春歸析木宮重來瞻使節未肯惜衰翁

湯文正公遺研拓木爲蓉洲題

研橢圓池左篆耕雲二字欵李漁右發公自楷潛菴寶
之四字側鐫潛菴研倦圃得竹垞書青士刻分書十二

字給諫跋於研背

國朝數名臣文正實稱首片石傳人間襲珍重彝鼎當年
佐揮灑滋液蘊深厚明史誅奸諛吳門鋤豪右策勲實藉
汝遺澤百年後君昔中州游抗懷志尙友精誠結古歡奇
獲夫豈偶追逐半生勤著書歲月久冠獬夜草疏嘉猷獻
我后致之丹青地筆挾風霜走則倣誠在茲於公物不
負展圖肅心神古鐵媿徒守

憶昔五十韻

髫髻初間名迨吉我十六結髮逾一紀平生無反目昔君
入門始正我游鄉學中更賢書登計偕來輦轂從此迫契

闔終年等信宿泊余通籍日柳映春袍綠暫假許歸省雙
親歡意足優游未卒歲局促膏棘軸忍淚整書筴悲心理
箱簾君時已沈緜勉起力檢束爲婦三歲勞襁兒十年育
在母甯無憂孚粥傷屢殯以茲致橫潰展轉淹牀蓐內敗
血周作入虛邪潛伏披衣驚落帶窺鏡詫消肉榻坐頭涔
墮并行足踏踉俯歎軀病深仰歎我行速念君未大漸干
緒擾心曲問卜頻祈神求醫屢遣僕稜苓久無靈再三嗟
已瀆亦知成不起猶冀蒙家福相對強一笑背人無端哭
語君宜自慰我歸豈疑卜瞑眩自易瘳彼蒼甯太酷君言
丈夫志無爲兒女促此生儻已矣來生終當續不忍聽終

辭揮淚登川陸徘徊入長安供職容碌碌是年秋七月霖
雨連晦朔伴有西南來傳君相慰告疾會當大愈客宦善
珍勸驚聞輒自忖喜極反畏縮蹉跎次年春園寓隨遷木
晨夕聯盍斂手口役篇牘陰風中夜起慘慘昏老屋君自
何方來握手話頻蹙疴羸非昔容熒皆似有囑亦念嬌兒
癡尙憐幼女淑欲語再三咽但知意反覆奈何竟不言窗
紙驚亂撲覺來猶迷惘君豈登鬼錄越日家書至平安莫
報竹誰料卽諱期魂夢千里逐人生無根柢死別兩相屬
忍死不惜別造物何慘黷悠悠歲月移忽忽三登穀銜哀
寄虛位髣髴憶行躅負君非一端往事多振觸在御思琴

瑟拱墓感風燭魂餒何敢忘歸當奠羹粥

漢蓮勺宮鐙銘拓本爲蓉洲題

銘文二十五字蓮勺宮銅行鐙重一斤十兩地節三年
尚夫雍工馮木守屬仲造

西京鐙制出蓮勺銘字斑爛土花剝地節三年宣帝時
夫馮木之所作後來圖記軼宣和蒐輯歐陽恨未多歐陽恨平生見東漢文好補阮翁金石錄編年更突竟甯過甯
字多西漢文字少四年鴈足鐙銘見阮翁題跋

秦小峴先生城西草堂圖臨士廣形比部同年屬題

虹橋西郭山崛起一角林煙隔城市閉門晝靜聞讀書日

對青山長隱几不見遂菴舊草堂草堂中有遂菴至今潭水尚滄
浪低徊尺幅前賢在卷付雲嵐入渺茫

送燦弟出都

風沙攪宇宙白日無陰晴家居猶鬱鬱子乃千里行計偕
阻謝病一第安重輕同輩當鵬舉翻然事雞鳴青徐羽檄
久伊洛虛弦驚遠道多異慮平安望歸程愁雲蘄北樹鄉
夢楊侯城行矣慎自愛顯揚匪浮名

我年行三十日月送飢飽宦海苦茫茫浮湛似鷗鳥前途
豈得意欲慰二親老何計辭塵網敢云歸去好家食依庭
闈承歡意當曉悠悠付多口門戶汝善保

慈仁寺展禊

久與林岩辭頗愛城南寺佳游屢忘嬾乘興輒獨至矧此
展禊辰壺觴衆賢繼松門雨中靜竹逕風前窺殘萼點階
周高藤仰空墜石戴飛閣欹牖納遠山翠清和餘曉寒物
色饒新意披拂蝸壁書流連落井字叢祠弔昔賢歡會悲
前事晚晴驅歸軫初月在簷際

校詩有作

晷影不我駐他人詎相惜蹉跎負年華坐恐初心失曹劉
猶黃土誰是金石質當時動魏闕文彩亦糟粕冉冉古風
遙悠悠人事疾勛哉千秋業儻許銘石室

朝鮮徐石耘

憲清

尚書招飲謝公祠賦贈

春色坐成晚微官自蕭索所欣遠人招觴詠事如昨

去歲初夏

朝鮮朴桓卿曾招飲椒山祠

藹藹前賢祠巍然出郊郭庭園翠篠密石

倚危牆閣數轉造精廬歡言襍諧喙自攜滿甕酒羅薦還

相酢弔古多餘悲論文出奇作移時風稍斂細雨當筵落

是日微雨露葉光初泣煙條靄猶薄歡娛惜芳辰追逐堅後約

儻無行役恨棲遲願同託

三十初度感懷兼寄燦弟

閉門庭草晚七載變霜露一爲簪組羈蹉跎今如故車馬
事塵宦雞鳴從所務速進豈無階不知何門步幸際鳴鳳

期獨慚飛龍顧迂疏暗自憐揆覽俄初度江海正風波歸
耕渺無處窮年老鉛槧往事惜淪誤達生庶不疚屈伸付
冥數

翔雲於所居之南闕畦地雜植諸蔬名曰學圃海秋前輩
有文記之題贈

有美終待晦安能長陸沈獨無外物役愜此幽居心瓜廬
猶近市喬木舊成林盛夏忘湫隘蕭然江海深桔槔非吾
事時輩笑漢陰閉戶斷晚雨登臺豁曉岑時被楚菜服還
停嵇夜琴不爲詩書癖甯知耕稼任羨君厭道味對我開
素襟學圃儻許請日涉同謳吟

種竹

京國饒奇葩而無青玉質孤根徙遠寺補此軒楹密筍迸
防踐履鞭抽惜橫逸環庭蔭相向臥砌行如一抱甕僮屢
灌荷鋤手自恤曙風行處生晴月坐來溢閉門人事靜掃
地驕陽失伊余本蹇劣兼得保閑佚敢冀垂魚竿終焉慕
鳳實歲寒幸不改初願儻此畢

出門

羽書日交馳聞見苦不實索處寡歡趣出門散愁疾忽逢
故鄉人道路念多悉詎謂終恍惚但覺語非吉傳聞恐有
因未敢深相詰兵革逾十年豈徒謀家室報國竟何成歸

田那遽必草野自恬熙郊畿況邇密誰能不自爲理此當
有術已矣夫何憂所憂非我一

幼年同年贈竹簟賦謝

時自粵西歸

苻籬舊聞自梁宋荆篠近更充包貢千溝萬縷刮磨奇寒
光入眼如流永京師屋宇苦湫隘炎午時嫌冠帶重日長
嬾睡深閉門掃室唯堪一席共笛材舊乏長物藏有賣囊
羞愧薄俸蒼蠅蚤蝨任緣撲汗血交殷肌骨痛平生不作
王忱求妄意甯希鄭羣送故人遠歸楚天末題封七尺需
時用玉節還思湘雨抽霜波欲映湖雲動解鋪未穩失愁
疾已覺清風滿榻涌從此相過須敲門玉川日日周公夢

秋初雨霽喜仲復過

臥病畏新游微涼思舊約非云謝世榮自爾安居索門鳳
既無字場駒空有藿妻孥自叩髯冠帶遂疏闊雨落荒砌
點風竹隕簷籜商音昨宵歸槭槭動驚薄孤燭寒頻翦深
杯愁更酌非君能惠來誰與顧寂寞

秋闈分校畢次坡公韻

寬禽事木石碩鼠飫倉廩遷地歎弗良豈知殊脩稟 湛
恩當比歲樹穫卜連稔再登選佛場更試煎茶飲日篋猶
舊膜胸墨餘前瀋敢負平生懷冀求特達品質皮溷麋虎
色內防厲荏守矩曾無難持弓利用審牙拾陳相因毛舉

細尤甚博寬謝大韶割裂傷尺錦網海收珊瑚披金去沙
礮況乃昧驪黃疇辨跡與蹠中或泛駕憂遺方朽索凜萬
瓦雨初喧連朝雲正淦稍眠罷蠶葉暫醉賴鳩樵矮屋集
英彥旬日聯袂衺珠雖隔象罔機已端兆朕披吟聊自憩
酬答還相諗曲識鍾期音味傾易牙飪擅書擬褚虞賡律
僉宋沈移時丹鼎開待曉未遑寢百篇俄登選千紙款就
鋟宵靜庭樹暗鐙深砌蛩噤吟成漏聲殘新月在席枕

秋夜東顧齋

秋聲無深淺深淺在一心秋聽無遠近遠近同一音月落
樹影合磔磔驚棲禽長宵畏短夢醒坐還披襟時過意自

悔迹往情彌深焉知來日事追念不及今寸腸積萬感并
入秋風吟秋風亦何爲空使年鬢侵

贈王璞臣炳明經

王君示我文一帙細楷纖書手親筆謂我嗜古異時好苦

索贈言意眞實異時我友馮與王

謂魯川定甫丈

數載論文證膠

漆爲言當代幾作者柏槻老人勤著述派溯歐歸自方姚

節制桓文嚴師律梅老歸去風稍替私淑桐城百無一嗟

予少賤輕操觚但喜卮言紛日出壯悔塗迷湔己晚未獲

升堂焉入室眼見白日棄兼城

君秋闈試卷出余房以得卷較遲呈薦不果

胡

顏敢復論得失君不我怨翻辱愛此意近今豈能匹情至

文生本忠孝淚痕血點行間溢當年梅老若見之大筆定
許後繼必不用懷書歎十上何曾獻壁終三黜天生君才
用有時歸矣莫便老蓬華

翔雲招集同人寓齋爲閏中秋之會賦呈

令節常多拘逝景誰相吝賴有良朋招高會今宵趁竟月
困樊籠緇塵積青鬢桂酌爽前期蘭交續舊分清言茶味
永幽思琴聲韻曉寒園菽馨晚擷溪毛潤危臺聳遐盼皓
魄刷清瞬山變雨初霽木寒霜微信更深星斗回千里豁
重暈願言永終夕爲我青天問

秋雨書懷次顧翁韻

秋風秋雨滿燕山落拓頻驚歲月還白草經霜如病客黃
花冒雨效酡顏愁多酒薄情難醉路遠宵長夢未閒欲賦
閒居何日了孤吟消盡鬢毛斑

贈李生 錫彤

李生詩才苦警敏天驥權奇脫羈勒渥洼一出驚駘驚豪
肝那顧俗眼哂少年下筆輕語言滿紙蛟螭雜螻蛄黑白
錯揉爭耳食尺錦割裂傷綴袞就中才知稍出羣幽室無
燭悵泯泯俗師不道羊路歧迫入荆榛途逾窘坐令質美
難成章明珠石鍛嗟可憫之子汲古勤鐫鑽獨抱陳編劇
束筍興來腕底千言疾下水船連萬艘引洶洶海市浮鷗

鵬烈烈秋空起，鷹隼祇恐稍逐時。憎愛枉是利，琢指胃腎。
古今詩教有坦途，俗工繆糾自蠲黽。神閒意定心手融，自
然詞條吐蒸菌。嗟余質陋幼失學，汪洋千首喜遁緊邇來。
結習力驅芟挫我，詞峰霜摧箇常思。攘臂揮秕糠，俗骨勤
求藥石。胗矧子英年，軼流輩敢妄褻。嘉輕飾粉入塗，不正
後時悔。努力高深却卑近，豈必漢魏墮窠臼。何嘗宋唐分
畦畛，閉門不憂萬里程。軌轍商量車可準。

紀夢

夜夢肉羽生兩肱，九天直上信有徵。風輪鶴馭神所憑，萬
二千里躡影升鴻龍。玉狗臥不興，瓊宮琳室張華燈。月色

晴曜頗黎棚璇題瑣牖蕭蕭天津車屬連漢繩云是神
官五運乘翼以六蜺前八鵬參旗結旂筏緹滕金鏘玉夏
紅氍毹素鸞對舞霜女扔前有少壯美目矚翩揮翟袂翺
翬猶雷輶碾雲碎綺綾飛行閣道輔輶較導我追電踏嶠
屹下視滄海波濤砭餐切燼朗眩遙瞪瘁肌砭骨髓硤硤
神官喜我心志凝星根月窟許同登嵐餐霽飲保不薨驅
斥垢穢除痼癥前少壯者似旁譴屬我屈曲強我能我聞
其言無敢膺生平孤峭睢盱懲神官意怠色微矜卻顧浮
空墮杳瞥天街遐阻塵網曾明日迂拙甘世憎
與顧齋約游西山不果

城市向山路有足甯禁至咫尺阻遐方迹心遂兩異蹉跎
故人約悵望佳游地逃俗良未能巖樓豈易易

邛壑夙所欣經年未厯一形骸苦拘束坐使好步失再作
春風期莫輕謀家室世無無事人誰待婚嫁畢

冬夜旅懷

風葉號乾霜蕭森不能韻寒暑各解時機械誰幹運衰病
尋人來已換少年鬢夢家二千里歸步無尺寸親年迫喜
懼此意誰能盡寄書每言安猶恐知幽隱听夕文墨拘程
期不容紊馳驅敢自暇疏拙知吾分車馬無留聲九衢闕
成陣非無捷足趨蹇者獨不進夜深鐙花爆但卜故山信

窗外青琅玕年年勞汝訊

檢書看劍圖爲黃莘農中丞題

代

百城坐擁星吹壁袖底青萍斗射赤十萬甲兵萬卷書畫
出胸中氣無敵叔度文章尙人口幾年持節河干走指揮
怒挾浮雲開勳業肯落詩名後我衰書僅名姓記劍一人
敵談何易脫手惟堪持贈君殘年且欲勤觀字東華握別
惜匆匆嶺外行消佩犢風豈與儒生空斫地更看青史著
奇功

贈李子衡

汝鈞

比部

三載初識長安陌論詩說劍氣無敵疏眉朗目森魄動乘

興呼觥盡一石酒酣自吐胸中奇坐上森森露矛戟王君

苦說文章好

謂顧齋

束筍千編見不得歎聞奉

命衛鄉閭

慷慨憑軒犯鋒鏑豈惟碩畫佐軍律況有新詩擅騷伯邗

江風葉幾回青揚子春潮萬頃碧短衣匹馬雙闕遠惆悵

何由問行迹竭來朝轡聯京華翻枉先施喜折屐舊事蒼

茫那忍論流年恍惚驚非昔西曹低首重趨陰眼見前薪

日日積故應閉戶對賢聖未肯比簿聽鞭責同輩聯蓺余

最少虛名誤賺嗟何益問奇析義漸無多且喜居鄰近咫

尺燕山草盡風野大霰雪填城同一白歲寒更續天街游

數年前初作消寒會曾以顧齋天街踏雪圖分韻

下駟追奔儻可策

讀海老游西山草書後

日夕見西山出門無遠道夙心愛此地而未事幽討昨聞
擔簦歸信宿逗雲島險昇露飲彩荒步雲埋草風月入奇
懷煙霞綴清藻興添嵐氣濃筆挾秋容老萬景隨手出千
形傾意造懸知世間塵到此應迹掃伊余十年期歎息違
素抱百聞遜一見展卷心傾倒反和慚鱗甲臥游窺鴻寶
紀程謝先生山遠看亦好

聞近事有感

秦塞猶封豕蒲闕且駭鯨公卿應自計盜賊亦人情故國
青山遠他鄉白髮生籌邊須戰略莫只擁雙旌

與顧齋夜話

慣見捷書至誰言行路難羣兒方待貴諸將肯登壇涕淚
尊前憶功名紙上看封侯應有骨不藉斬樓蘭

親故日凋謝關河猶亂離買山從不易陳策況非時留滯
名終誤歸休計漸遲羈愁付星鬢聊與共恬熙

十月二日小雪夜大雪海秋前輩招飲再用聚星堂韻兼

東仲復

庭竹搖風卷寒葉夢回猶待詠樓雪

去臘同飲仲復區區詠樓待雪未至

歡會幾時酬日夕引領望空絕豈知及雪動經年劇喜相
尋展齒折陰雲凍合不俟霰過處回看馬蹏滅昔歎今情

交百端深杯吸作長鯨掣當時何意卽陳迹客淚驚心滿

眼纈高樓已入他人室

仲復移居上斜街

無分傳觴更霏屑薛侯

分袂況異物

薛淮生侍御同年典試江西歿於闕中

對坐詩成才一瞥往事

蹉跎那可據流年仿佛甯堪說醉歸強續年前吟伏枕猶

鳴檐鐸鐵

顧齋示八疊聚星堂韻作依韻答之

霜風入門擁階葉窮巷車塵淨飛雪空庭積素未忍掃萬
象一白眞清絕此時正憶冰雪文到眼珠光更心折懷人
感事雜悲喜可但三年字難滅悄然坐我浮玉山萬里秋
鷹向空掣君詩近境見亦罕豈與繁華鬪芳纈丁卯老子

湖海客

謂海老

紛紛眼底殊未屑猶恨柔馴愧僵走絕塵不

及飛電瞥聯句況敢當韓豪逢人只應同項說且將下里
報陽春腕澀筆僵凍如鐵

聞人話鄉里事四疊前韻

一事無成玉刻葉塵埃撲鬢欲飛雪空令智慧忙中消蛇
足著來真癡絕欲工文字世無補便鬪詞鋒角敢折黃精
日日嗟生計蒼狗紛紛任變滅久厭南國輦鼓悲近聞秦
關烽火掣元戎轉戰豈無術何事壁觀失眉纈 官廷側
席勞宵旰臺閣陳言只瑣屑我輩長愁復何爲良時回首
去如瞥及身強健且圖樂但就功名總難說世上安得無

輪蹄願天生金莫生鐵

連日俗物敗意且實怯敵不敢再疊海老衡翁責以取巧
乃爲我强恕耳因勉效步以自解五疊前韻奉柬海老
少時詩思蟲鏤葉但解道鹽慚詠雪十年衣惹 帝京塵
老輩風流漸歇絕許侯吟壇擅飛將久主齊盟慣衡折弟
子甯敢恥先師服心莫待旗轍減日昨西山獲勝歸揮豪
奔放不可掣千篇到目猶鬱怒把卷熟讀迷碎纈忽煩責
言警罷慢縱索敝賦供甯屑詎識歲七奔命疲强鄰甘讓
過境警且將玉帛待兩大波及君餘善辭說師退願乞城
下盟無勞再舉汗駟鐵

六疊前韻奉柬子衡

李侯健筆振槁葉精銳雷霆淨冰雪新從邗江來上都卷
軸千編半韋絕先聲示我螭鍾呂大弦春溫小廉折光華
閃壁青紅浮暗室珠投明不滅致敵尙欲糜龜麗張軍我
敢鯨牙掣邇來但思保疆界昕夕堅坐閉目纈自關朽木
賈雕鐫豈爲閒官飽棲屑曼衍天鈞且強和枯吟肯付流
光瞥見獵亦自生喜心陳粟何勞更勦說徒手空夸君弗
嗤去兵況是無尺鐵

翔雲獨無和作顧翁衡翁皆有詩激之而未一至七疊前
韻奉柬

晉啟南陽珪翦葉吳通上國劍耀雪許王爭長黃池盟權
在李侯實三絕我如滕薛齒諸任賓禮不假修辭折黃君
楚產風素競諸姬久盡朝食滅避舍胡作憑軾觀但壅防
門旆不掣況昔詞場曾狎主光義久戰筆花纈壓境圖君
我敢讓羸師誘我君甯屑中原有鹿定誰手莫使三周失
免警兵曹文墨總拘牽旬日休暇更何說儻來犄角成合
從作氣同期一鼓鐵

消寒初集顧齋招同海老子衡卞頌臣

寶第

侍御翔雲方

子穎

鼎銳

比部同年仲復并余兄弟賦得煤毬限讀字

用韓孟聯句體

寒暑運爐鞴陰陽洩苞毓地開混沌竅泥塞彈丸谷水土
和氣交元黃雜色瀆磊砢同石戴堅實愈堵築形擬塗附
沙用殊薪代燭比附方毀四摸棱觚破六箕籟丹礪礪盤
走珠簇簇擲地轉初還脫手圓更熟價廉饋貧計寒利禦
冬蓄會有鼎鼐戀遂貽塗炭辱倏欲然死灰終歸寇朽木
假煖日騰踔趨炎夜馳逐身大寒及膽內熱執可掬慮默
寵爭媚當權湯敢沃劇霜粟乾壁作凍竹溼爆雪點外閃
鑠煙銷中黷黷惜哉焦頭額奚止覩面目作威不逾瞬弄
技亦已足勃焉忽焉盡焚如棄如酷本來少清白無惑懷
酖毒棋累十子危卵傾一巢覆炙手肯因人包心甯免俗

始悔名假借益形狀踣踣守黑烘印燼三冬幸可讀
消寒二集賦得冰牀行限見字

御溝凍水疊寒練破碎天光入鏡面一牀劃坼頗黎痕
軋啞無輪鳴玉碾天吳翦波作平地潛角隱鱗昏不見牽霜
曳雪泣石精入尺腰繩走風緯山行朗影鬚矗白綵繚虛
聲雙鐵綫帶月牛車勞喘逐萋萋臘鼓九門徧
消寒三集翔雲招飲卽賦所居亦圃七詠

薯蕷畦

自種寒畦菜朝盤佐苜蓿本來藜藿腸未敢厭梁肉

蓼洲

疏萼臥雨開晚香含風起幽蟲不勝秋抱叢泣寒水

柳籊

柳帶寒風長廊迴更深處罷讀涼蟬嘶清陰曲成路

瞰山亭

山光落軒楹偃蹇避官府豈知看山客舊是山中主

眠琴塢

深室悶清響泠泠七弦定無心覓知音長嘯楚天暝

瓴甌臺

瓴甌築爲臺彈丸起累土東偏得月多不藉長林補

撻雲小屋

朝拂高棟飛，莫就深簷貯。簾卷闌無人，孤雲自來去。

直廬晚歸口占

臘盡猶冬日，天高自北風。家思千里外，病集四愁中。屯戍終歸數，棲遲敢息躬。微官笑壁蠹，祇是在書叢。

消寒四集子穎招飲賦得宣德銅爐歌

方侯銅器何陸離，古彩蒼然文隱螭。賸鼎殘瓷暗無色，心知前代上方遺。爐高七寸中容斗，欵識斑斕土花守。玉麝曾分御案香，金猊不改藏經舊。傳聞內府經灰劫，七寶莊嚴像凝結。指方銷百鍊，鋼範形再點。洪鑪雪又聞良冶，鎔十二炙格燭篩。滴精萃榴足，橘囊品格奇。象頭獸面型，

模異一自飄零別玉鑾紛紛偽造徧人間爭言永樂沿成
式那識隆嘉厯燒斑朱火中然長日靜清風四坐助殘茗
寶氣宵騰雲霧輝篆文曉拭龍蛇影礪擦沙薰總未銷品
題幾許到詩寮好將一瓣心香爇遠訂三生金石交

立春日作

羈宦身誰問寒鐙影自親何時消戰伐無地避荆榛白眼
從遭俗青山不待人新年才幾日又見一回春

消寒五集頌臣招集作坡公生日拜笠履圖同用聚星堂
雪韻

老坡寄世如舟葉飽厯炎方與朔雪大名八百年人口笠

展風流未銷絕卞侯好事追古歡展祀瓣香肅磬折遺像
居然逼豪髮名輩珠璣字不滅公才江海橫古今落筆長
空健鵬掣百歲功名真草草江山游迹供眼纈景祐至今
旦夕耳春婆夢老亦騷屑前年對酒幾人在孤鶴南飛才
一瞥朔雪已知鴻去遠南雲仍盼鶴飛還去歲作公生日
薛淮生侍御同年句也淮生竟以典試江右歿於差
次遂成公壽無窮人事多回首陳迹敢輕說相期執鞭隨
詩讖矣杖履有約尋山膏軸鐵時與顧翁方約早春爲西山之遊

峴嶠山房詩集初編卷五

洪洞

董文舉
名源 題

癸亥

元日試筆再用坡公除夕韻

靜無考亭坐日讀何能半徒效寒蟲吟長年向壁歎春來
已浹旬過眼不再玩微生際 聖明枝官寄閒散敢惜馳
驅勞悔辭釣游伴爆竹無留聲待漏不及旦插架增新厯
然檠照舊案寶馬金絡頭門外車塵亂我亦從其後清晨
對鏡盟思端龜策占開兆意遲緩前途且自識舊學況仍
貫趨榮謝寸猛取適誤尺牖猶厪 九重懷窮冬 賜薪

炭去冬實錄館曾拜遭時信多幸簪筆趨史館砌草競薪炭銀兩之賜

初暉庭柳變餘煖珍食勞大官殊恩媿授粲是日實錄館諸

臣麋鹿蔬果皆特恩也

三用前韻柬顧齋

公才如江河吐納天下半未共同舟濟焉知向若歎四十無產業過時不敢玩飢腸飽碩畫曾未怨樗散聯居接風儀數載几席伴山海羅戶庭周秦數昏旦孰令開濟才曹司局牘案夜光眾人疑到眼珠碧亂大臣三薰沐國器主贊盟匡時望董賈活國得和緩三輔當瘡痍左藏鮮餘貫願陳前席策疲卒斬庸懦肯袖借簪籌寒窗撥灰炭聖

主待諮詢緇友行授館陽和萬里回吹律寒谷煖那能老
飯牛叩角歌山粲

去矣田園蕪歸歌南山粲願齋去歲元
日句也

新年作

京洛逢新歲風塵滿故衣官閒憂世僭性嬾對人非骨肉
頻年別關山暫夢歸浮湛何計是免使寸心違

感述

有求固多慮閉戶耽清景常恐失故步走歧墮市井結客
翰墨場寄心文字境非關異時趨聊用務幽屏豈識尤悔
集終焉誤畫餅九衢懸日月共照長安影去來苦妨人何
地免榛梗以此頗自慰願外戒新猛浮名己可羞過責儻

亦幸姑付無言辨默坐自深省

朝鮮徐秋堂

相雨

寄惠李灘隱畫竹賦謝

灘隱名霆朝鮮宗室明萬曆間

人其國畫竹祖師

屈鐵縱橫金錯刀淋漓尺幅堆銀濤蒼梧雲暗湘血泣腕
指所至生風颯是誰寫此干霄姿有明灘隱大筆操結根
已分仙李遠豈歎澗松與山苗乃知直幹有本性藉地愈
見孤生高當時東土已爭貴而況後世遺前朝君藏什襲
勞遠贈星槎千里勤緘包憶昔東皋拓半畝此君日日厭
蓬蒿春雷破土滿郊甸籜龍怒拔森錦苞惜無妙手掃干
个官齋靜坐聞簾簫九載客宦溷京國平安時報雙鱗勞

百年圖畫落眼底祇恐破壁成靈妖想當六月張几案閉
戶吟罷無炎歎夜雨蕭蕭夢遠袂曉煙漠漠生寒綃題詩
一笑聊拜貺持報慚媿無瓊瑤

消寒六集賦得梅花用和靖韻

一年長好早梅時且共樽前續舊詩曉月橫窗添瘦影晚
煙蘸水上寒枝客逢南國勞相憶信到東皇畏受私惆悵
無人和鼎實紛紛徒向曲中吹

消寒七集賦得門神限夫字五言排律

白玉初開戶黃金舊滿鋪門甯依作勢神只畫成圖奕奕
冠兼帶煌煌紫與朱妍媸分面目濃淡各眉鬚拜瑣陪端

笏當關備執殳乃文旋乃武相友且相扶風度賢丞相威
儀美丈夫一從司鎖鑰焉識本模糊偶立時當道深居劇
守株頻遭人指摘幾被鬼挪揄曳進輕裾客來招執帚徒
一身隨啟閉雙眼任馳驅空見皮蒙虎何曾路嚇狐殘年
驚破臘新樣倏分符閱閱千家徧文章一紙無幸因離下
寄徒羨府中趨再共雕楹煥偏勞粉壁朽錫名原不假列
祀信非誣位望階庭近官聯出內俱英靈如可倚何必陋
繩樞

招同周昀叔

星譽

前輩徐琴舫

昌緒

同年二編修仲復顧

齋小集餞朝鮮朴錦齡

永輔

侍郎并哲嗣綺園

鳳彬

林

九臯 致學

李菊人二從使以撐腸拄腹文字五千卷分

韻得腹字

去歲交丁生

謂石翠

篇章屢往復譽君不絕口益友素尊服

採懷出新詩落紙鏘金玉果然詩書華便便羅滿腹雛鳳
況清聲淵源承家學一門何聯翩羣彥更彬彬亦信丁生
言詞場同追逐新知喜琴席別緒畏醺醺乍見卽離筵告
歸意煩促春風動征帆鄉夢牽鴨綠君家桓齋翁昔贈懷
人幅桓齋別時曾手繪懷人圖見贈別雨倏經年何由寄黃鵠君歸各相
問一官自局縮

讀楊汀鷺傳第

孝子遺藁書後

零落數首文倏忽成千載甯無補亡篇視此應十倍疇昔
盟敦槃余亦列朋輩君時出緒論向若迷觀海萬事傷人
情籍籍名一代終留姓字香不共形骸碎河嶽歸間氣日
星化餘采片羽雖未多自有不朽在幽幽夜泉恨落落平
生悉斯文儻未喪名山好相待

消寒焚尾再訂春游以東風已綠瀛洲草分韻得草字
美惡同一趨萬足競昏曉長年醉中消寒暑無時了歲晏
每多暇朋尊共傾倒追逐喜聯翩文字怡論討清歡苦易
盡轉惜春來早青陽徇所務爛熳被百草更放連朝晴山
游趣彌好別離知幾時會合詎常保還期聯吟伴復此悵

幽抱秉燭何必夜相將醪清醪

會經堂海棠用坡公定惠院韻寄懷林穎叔京兆王廷尉
定甫丈

會經堂前饒眾木不與凡花溷幽獨旬日文書苦因人眼
前何物能醫俗朝來繞樹得休暇忽驚身在錦繡谷露萼
同看紅映窗風枝印見高過屋不嫌簾燭隔霄漢但恨樓
臺少竹肉添酒從招月下魂宵深清夢猶難足聞道京兆
手親植新年正及春景淑當時廷尉聊戲言雅話居然屬
饕腹已未春闈二君同分校曾有異日孰爲京兆當補種花木之語詎知勝事偏我值蔚
蔚充庭如立竹秋風兩度牽詩懷閉戶蓬蒿森滿目今來

賞心已天幸未免聯陰更望蜀花開安得二公同傳語西
飛寄兩鵠賞者不裁裁不賞世間萬事總回曲後來桃李
應更多好愛棠陰勿輕觸

春明餞別圖爲朝鮮李藕船尚迪閣學題

山嶽神交始曾深歲莫情去歲寄和秋懷詩有歲莫一編

新結契此老舊知名彈指幾人在驚心十度行莫怪老夫能漢語爲

曾十度潞河船君昔日詩句也僧寮幸相對莫惜共樽傾

垂老還持節應多未盡緣清談仍劇飲高詠復羣賢海雨
留征旆關風動別筵他時念攜手好作畫圖傳

客至

邱壑違初志年年夢薜蘿親交別後憶世事醉中多饑雀
爭殘粒雛雞戀破窩閒門少車轍風雨肯經過

顧翁久不作詩賦東

宦游非得已依舊是閒身已後少年貴又過前日貧家無
乞米帖門只送書人莫遣吟懷減蹉跎負好春

雨後

潸雨不成暑空窗戀晚暉身閒忙客避病久素書違宿露
連晨重春蕪入夏肥長因門巷靜護得舊苔衣

六月二十一日穎叔京兆招集西涯舊居作歐公生日并

補祀山谷會者定甫丈子穎頌臣樹南顧齋楊子恂

仲愈

太史以當仁自古有不讓分韻得讓字樹南爲圖

幽居倦日永抱瘵職多曠兼旬期勝游不避京兆仗其就

前賢居羣公肅拜讓還似西湖飲陂荷濯新漲危堞崇墉

倚晴巒遠簷向平楚迷遙林孤雲散夕嶂豈惟古歡結復

此清懷暢憶昨愆祀期

前約十二日作山谷生日以雨不果

末由展心尙因

下六一拜遂瞻涪公像歐齋兩替人

圓明園軍機直舊有公石刻畫像邵位西

舍人顏曰歐齋始修祀事嗣後歲以爲常林王二君適主之

詩筆高山仰邇來方代興

屢得厠疏放嗜古非今宜率舊翻新樣幸從兩公後此志

亦云亢歎息念斯文當歌忽惆悵日莫風雨摧神來儼貯

蠻待補學士筆圖成奠家釀

是日樹南攜家藏佳釀同奠夜大風雷雨與顧齋下榻樹

南齋中

夜雨東叔平同年

空庭草樹繁疏影，藹深碧微雨夜來過。瀟瀟一晌滴酒醒，
不成寐涼氣浮几席。熒火初上簷，候蟲已吟壁。相思豈在
遠，一水俄成隔。惆悵素心人，何當共茲夕。

羅兩峯犬吠洞賓圖滇生師命題

仙在白雲中，犬聞水聲外。相懸霄壤間，豈復逢此吠。仙凡
混一塵，奚解刮目待。善噬固其性，狴狴亦天籟。人情憎少
見，白黑能勿恠。語犬姑置之，天人自有界。不見狐狸羣，時
時弄狡獪。此曹乃汝徒，莫息三尺喙。

送尋管香

鑒煒

侍御奉使之山西

碩鼠存唐遺貪殘困未已千載同一悲疇能畏國紀飲恨
哀彼嫠多金身累市不聞懷清築倏共然灰死閉骨近十
年黃泉莫雪恥是以噴人言聲聞達天耳侍御吾邦直
慨然論事起霜簡晨入告丹詔莫出使獄訟責諫臣破
格那有此敢憚馳驅勞終懲昏墨子黃雲連井門白日照
易水離樽不及飲千里悵尺咫古來衣錦榮非徒豔鄉里
平亭豈無術操縱固在己嘗聞治劇才斬亂莠能理行行
且自勉報稱今其始

送家兄使之太原便道歸省

萬事不可期歎兄歸鄉井幾年共羈宦親舍千里梗屹帖
能無悲懷書未敢請何言王事敦忽此征轡秉拜手辭上
官賢豪況相竝鴻才久鬱屈驥足方馳騁落日低郊門雲
山澹秋影故人各贈言欲別惜俄頃有淚不肯滴寸腸萬
慮耿亦知此行難周歷非異境念我何時去分飛更領引
休閒儻及時早晚當歸省

同人雨集緇雲齋中啗園較餞海老盤山之游

一雨無早莫出門迷所往賴茲林下期披拂得清賞露零
藥畦潤水溢蓼池廣濁酒攜高朋嘉肴掇蔬壤坐中湖海
客蕭散謝塵埃巖壑興久豪雲泉駕屢枉天寒遠岑靜秋

色正森爽石棧阻遐矚松谿悶清響安得輟雨足逍遙稅
林鞅奇懷且歡今舊約肯負曩明發入煙霧迢迢安可仰
送周康侯晉孝廉歸里

不第未爲失高堂方待歸遂令游子倦漸覺故人稀細雨
留征旆秋風動客衣清時勤吐握莫卽臥荆扉

喜海老游盤山次顧翁韻

聞道三盤勝幽人到久稀今君冲雨去何寺待雲歸筇步
苔生屨琴眠瀑溼衣應憐同醉客寂寞掩空扉

亦有幽棲意塵勞事總關前蹤甯得續舊約儻能還夜雨
吟殘燭秋林夢故山悠悠城市裏幾輩似君閒

次韻答賈運生

臻

方伯前輩

神交有道信其理公友馮君我同里

謂魯川

當時同醉燕市

樓落日秋風別愁起老輩典型歎僅見說詩談劍鬚鬢美

奉

命歛出赴戎機長淮望斷南雲紫馮公一麾行繼去

聞道飄蓬尙無柰我惜喪朋公得朋尋源無處安辨委百
年別雨幾回首萬事浮雲一彈指謁來朝轡聯天街舊夢
殷勤猶挂齒屢辱垂詢索近作況承贈言道前軌公如江
海無津涯我阻山河空表裏固知因愛及屋烏誤賺虛名
恥誰洗儻許不棄矻其頑敢託論文自馮始

次顧翁暑退韻

趨時苦心負懷刺畏門投百事從嵒懶孤懷任杞憂離花
晨受露窗竹夜矜秋榮賤俱身累何時共漱流

贈楊紉芸觀察

垂老迫從仕林泉焉稱情終應酬 聖主未免爲蒼生直
道難爲偶狂歌舊有名功成方及早還許臥柴荆

次顧翁初秋多夢韻

閉戶容吾嬾官閑歲月新青山空待客華髮漸尋人簷竹
風疑雨階蛩夕異晨鄉心無次第歸夢豈嫌頻

芝村讀書圖昀叔前輩屬題

周君仕隱棲經龕老屋古木交蔘蔘閉戶人海閱千古時

從尺幅窮雲嵐當年寄家居賞祊洗滌人事口絕談磊砢
撐胸飽綫釘肯同章句爭畢佔賢季追逐眉更白千里文
士來交參良友得一亦足幸況復竹箭羅東南時流冠蓋
豔入社往往不與遭夷芟卽今諫臺集新侶六子前後如
優曇芝鄉夢遠書聲寂扶輪繼起知誰堪感時憶舊勞悵
望聊藉筆墨爲幽探題封索詩不相鄙謂同嗜好能研覃
嗟余仕學成兩誤展視摩挲將勿慚頻年吟伴漸寥落屈
指過從餘二三惟文字會差歡耳而此不獲甯云貪下帷
如君儻能否亦思假地營茆菴有田歸去共勤讀豈乏名
賢盍朝簪

立秋日作

索居厭歡趣愁病日相親朋舊漸無字塵勞終誤身階蛩
吟告夕簷雀噪開晨一葉自榮落秋來倍感人

不出門

到眼皆歧路經旬只掩關風聲侵曉減雨氣入秋寬壯志
羞窺鏡塵容媿看山清時保閒放未敢厭微官

讀顧翁游碧雲寺作

屢期名山游未往心徒騁喜君効職暇先己窮幽境竚篠
尋松谿猿緣度竹嶺興衝飛鳥上步共奔雲猛捫蘿乳垂
岩梯薜丹通井俯漱石泉流仰窺星臺景風日盪奇懷煙

霞脫新穎忽在巖上作許我塵中領蕭然林壑思對翫寄
夜永登陟空近郊追隨惜多梗未憂筋力弱終欲羈鎖屏
歲晏容乞假相將煙策整

夜寒口占

四時各有以相遞不相見階蛩聲漸稀亦自炎涼變

次緇雲韻

暑退猶前日偶然秋已深那能逃世網空有向山心月過
禽移樹風來葉度林元龍豪氣在未忍卽銷沈

月夜有懷

笙歌傳別院羈宦自愁繁澹月靜窺室秋風深閉門舉杯

新友少開卷古人存漫欲青山買歸期未易論

退直東仲復

車馬各秦越誰容歧路閒眾情爭所向吾意但求安雨砌
露苔溼霜林風葉乾蹉跎期拙補甯不惜餘歡

秋夜寄懷魯川

淒風兼落葉客思各紛紛鴈信經秋渺雞聲隔雨聞夢繞
薊門樹心飛淮浦雲惆悵三年別相思獨有君

西山紀游十二首

夙慕西山游頻年願始克況攜賞心侶異境頓開闢初防
露磧滑漸怯雨徑泐精舍冠林椒孤墖寄岩側沙寒帶水

淺樹古籠煙直邨路向空翠樵聲入叢碧幽尋畏途迷荒
步忘曛逼莫鐘蕭寺投

奉福寺在栗園莊潭柘下院也

涼月引行客

晨光結晴霞林旭遙相着荒橋阻車轍

苛羅陀邨南石橋可通車今爲雨斷

谷轉每前卻中峰忽屹立攢空利如削稍登乍睇旋迴睇

更輝燿巖留太古樹礪蓄長生藥卻穿陰磴苔樓閣倚天

豁木末辨觚稜雲端識赭堊歛臨清淨宇萬想皆擺落

萬松爭到門千年不可計九枝蒼龍蟠動臥非一勢

戒臺寺松

有九龍活動臥龍諸名

山氣午方合谷鳴萬竅閉泠泠青飈來僧梵

遠相替花雨散香界風濤隔人世璇楹旣嬈娟紺宇亦澄

霽庭翠秋更殷巖紅日初麗回視來途窮千盤石級細

林盡蒼崖曲數武出山後縈紆手足竝勢險不可久風榛

憑帶曳霜葉隨屨走徑荒枯藤續石古老落守

中路有側
錦川石側

足破嶽岑低冠下昏黝中凹丹通井

小觀音洞佛坐下傍
有穴相傳通渾河

坎藥盈臼立神因巉巖鑿壁開戶牖對彼真仙窟自厭濁
俗醜道業兩無成歎息向靈藪

危峰戴朱樓登臨非一概霜空萬壑淨心目兩無礙腳底

振春容疏鐘落天外千岩動暗響萬里散虛籟雙闕隱峒

巖坐覽都城內石景

山名與渾河
皆來途所經

小一卷渾河細如帶始

知世途隘暫出天宇大去鳥下孤煙歸僧入蒼靄獨立難

久留風淒廣川晦

筍輿冠危岑秋高無留景隔林西峰寺寺在道北半里許未往日

徒騁重嵐遠窺人徘徊吐前嶺羅喉嶺在峽盤千筍矗壁極樂峰北

斬一梯迴旁臨忽無地再轉已及頂足劈樹杪雲日落澗

底井樵客霜薦果山僧午呼茗蒼翠近在眼前途進宜猛

山行無定程窮劣仍釜底兩邨百餘家東邨一灘十數里南邨

盧家灘羣峰過谿交萬木迎人起漸上龍氣合繚垣紅邈迤

危橋臨絕澗泉聲亦歡喜乍伏懸厓中忽叩亂石裏定鐘

澄道心齋磬盪幽耳及門破萬青落葉千嶂紫

九峰勢迴合靈境依此選竹藏溪路深松覆山殿滿仙壇

大悲富芝菌師塢舍利飽落薛鼎氣丹臚混香煙龍虎篆

壇

曲沼觴流羽寺有猗玗亭流觴曲水之所蔬廚水通篴風清鳥聲悅日

霽天容善雙趺迹猶存元妙華公主拜磚俱殿內二青蛻未遠廬師幾

時去枯柘經年斷相傳廬師降青龍於此移潭山後捨地爲寺今廊下枯柘猶存俗呼潭柘得名

以訪古足流連探奇愈紛衍黃金布初地大樹斜陽晚寺中

銀杏樹甚古秋深霜葉爛然

地幽夜虛明高閣俯林表閣有純廟御筆延清瀟碧四字余等下榻於此皎皎

迴塘秋微微眾山悄妙香生空際清聽遞寒篠露重星不

輝嵐回天轉小嶺月客窗延階泉僧榻繞隔蹊聞荒犬開

戶驚棲鳥朝陟困顛路夜語宜幽眇一枕人事閒塵懷得

暫了

古殿耿佛燈更深還獨往

五更登觀音殿
爲寺絕高處

一氣失樓臺觀

空遠無象經梵出雲中尋聲不知向四山合混茫迴立霄

漢上萬緣此時靜下界聞雞唱夜氣方返初機懷倏萌曩

豫惜遄晨駕暫許謝塵鞅曙色收孤煙東峰一星朗

林深多匿景境僻更巉絕高蔭交連幄力探肯心歇

山後
中路

有歇
心亭

虎牙蹈峻嶒象鼻蹋歸巖硤稜白坼冰草髮黑漬鐵

長根鎖石立怪蔓拏地裂嵌空故人名剔蘚暫披閱

姚少
師菴

後里許懸厓上海老與同
人王戎閩月題名在焉

數息前侶回再登後蹤滅峰迴

日色變慘愴問岩穴

兩崖紛上攢眾石爭下俯一水劈巖拗天光濺飛雨初穿

草蔓汙再引松根聚寶鑑開方塘琤琮萬珠吐噴薄日月

精洞漩蛟龍府回看宸翰懸猶作山靈主

青龍潭在龍王廟後半里

白石爲甃上嵌純廟詩碣

當時駐

金輿俛仰餘尺土亭荒瓦礫爛

廟破丹青古幽賞有餘美傾暉不留午歸騎嗟匆匆遺恨重游補

送月槎年丈之官揚州

祿養高堂在仍爲叱馭行風辭薊門樹月帶廣陵城講論

傳諸子文章誤盛名南溪幽興近好句繼家聲

州屬興化縣有南溪

君家文正公會賦南溪馴鷗詩後人刻石其上

椒山石印歌運生方伯屬題

印刻椒山兩字旁刻近浦兩分書津門沈友竹觀察得之金陵以贈方伯方伯既賦長句因交松筠菴心泉上人收藏且徵同人爲詩將付剞劂添僧寮故事云

殘紐淒涼悲碧血朱文小篆貫虹月先生得之信其眞諫草其作僧寮珍兩字流傳四百載摩挲手澤丹心在君不見馬市將軍印如斗病疽猶戀今何有公與此石同不朽七旬學易圖爲丁檢卿晏年丈題

義皇剏卦象廣大無不有卒學思假年矻矻猶白首先生證古易祖述將軍後少時萬言策十翼孔碑究阮文達公以漢易十五家發策先生詳對萬餘言又策問孔子作十言之教謂十翼也先生據左傳定四年疏伏羲作十言之教八卦及

消息是也漢韓敕孔廟碑皇義統華胥前闢九頭以什言
仍指皇義十言非十翼也策題誤引文達公深嘉之焉

訟說砭愚頑解故息紛糾先生著訟卦淺說一卷著書地天

參落筆雷霆走卽今向古稀韋編不絕手積善固餘慶履

道信无咎四海尊儒宗歸然望南斗小子昧師承見聞慚

寡陋焉得隨杖履間經親拜受披圖坐春風盛業仰可久

覆車吟答賈穉川 銘愼農部

雷聲轟九衢泊泊揚軒蓋我車亦兩輪出門輒有礙有礙
非狹路大道崎嶇外風逸忽壘摩湍旋遂驂絰所幸無輔
棄終爲不輪載歸來君詩過披讀頗自悔萬事惡捷足力
竭速之敗已看前者覆不聞後者戒輪驪日日多所至作

災恠安知非吾福小懲而大誠

婁丙卿

道南

同年書至知己謫新疆矣

失路空相惜悲君萬里身那堪去鄉淚更對白頭親當道
憂誰問微官事有因心知報消息不忍向來人

送子淑宰山陽

豐陽古郡雄天柱東連汴豫北荆楚常君別我作宦游慷慨
慨憂時思報主念君挂腹羅書城雄辭健筆皆有聲前年
上書不得意告身今爲趨治行昨枉高軒來取別北風蕭
蕭雁飛絕燕山臘盡春未還敝裘羸馬衝霜雪西望秦隴
鼓鼙愁渭陽千里成荒邱戰場骨冷二陵側行客魂斷八

川流闕虎將軍整師律游魂詎容逃金底肅清行策開府
勳撫字終歸守土吏東華罷酒惜匆匆河山四塞揚仁風
他日新詩應見寄還如姚合在武功

次韻顧齋臘日食粥和穉川用坡公聞子由瘦韻寄兄之
作

日日車塵髀消肉看山憶共僧寮粥當時隨眾飯長廊到
寺黃昏已飛蝠夢醒頗悔人間歸腥膻更飫甯免俗朝來
鄰里忽爭饋我亦隨緣饌炊玉一飽屬饜能幾何敢與侏
儒較囊粟君詩至味出澹泊歎息黃梁悟蕉鹿我輩安食
亦汰分飢驅終免走僕僕儻容歸田同耦畊輟耒無心論

燕鵲